

Ro Ta Yems Ibeede

¹ Nio Yems. Nio mbesoonjo ki Anutu mi Merere kiti Yesu Kresi. Anbeede sua ti ima piom Israel un bizin laamuru mi ru ta kombot leŋaleŋa irao lele ta boozomen. Aigule ambaijana ima piom. Nonoono.✧

Toombojana ipombol urlajana kiti

² O niom tonmatizij tio, sombe patajana matakiŋa indeeŋe yom, na irao leleyom ndabok men.✧

³ Pa niom kuute: Toombojana sa isombe indeeŋe yom, mi sombe kikiskis urlajana tiom, nako ipombol yom be kemender mboljana mi kabaada patajana.✧

⁴ Tana kemender mboljana mi kiskis urlajana tiom. Naso patajana tana ipiyooto nonoono ambaijana piom, mi mbulu tiom ingeeze kat, mi karao pa mbulu ki Anutu.

⁵ Sombe tomtom tiom sa, irru ngar ambaijana, na bela isuj Anutu be ikam lene ngar pakan. Ni ko ikam pini. Pa ni mata mererejana. Ikamam sorok koron matakiŋa pa tomtom ta boozomen. Mi ni niini gesges somjana.✧

⁶⁻⁷ Sombe tomtom sa isuj Anutu pa koron sa, na bela isuj raama leleene iurla. Mi leleene iwe ru pepe. Pa sombe leleene iwe ru, nako Anutu ikam kosa sa pini som. Pa tomtom ta kembena, ni

✧ **1:1:** Mt 13:55; Yo 7:35; Ngo 15:13; Ga 1:19 ✧ **1:2:** Mt 5:11+; Ibr 12:11; 1Pe 1:6 ✧ **1:3:** Ro 5:3+; 1Pe 1:7 ✧ **1:5:** 1Kin 3:9+; Tut 2:3+; Mt 7:7; Yo 15:7

kembei duubu ta miiri ikam ma ipol kankaana. Ila kena, ila kena.✠

⁸Tana ito mbulu tamen som. Pa ngar kini ruruᅇa tau.

Tomtom sorokᅇana mi tomtom ta le koronᅇ boozo

⁹Sombe tomtom urlaᅇana sa ni sorokᅇana, na irao leleene ndabok mi niini ise. Pa ni tomtom zaanaᅇana pa Anutu mataana.✠

¹⁰Mi tomtom ta le koronᅇ boozo na, sombe iki-laala kembei koronᅇ kini ta boozomen tana koronᅇ sorok pa Anutu mataana, na ni tomini irao leleene ndabok. Pa ni ko imbot su toono ma alok na som. Molo som to imeete kembei ta manman pwoono.✠

¹¹Iti tuute manman pwoono. Sombe zonᅇ ise mi ikan, to imelle mi itop ma ka aigau imbiriizi. Ina zaala tamen tau pizin wal tau len koronᅇ boozo na. Ko tikamam uraata kizin mi ila ila ma aigule tasa, to timap.✠

Toomboᅇana ka mbulu

¹²Sombe toomboᅇana ise ki tomtom sa mi iwati pa sanaana, mi ni imender mbolᅇana ma ilip pa toomboᅇana tana, inako indeeᅇe kampoᅇana biibi. Pa Anutu ko ikam le mogar ta kizin wal ta tiporou ma tilip na. Mogar tana na, mbotᅇana mata yaryaaraᅇana ta Anutu imbuk ka sua pataaᅇa kek be ikam pizin wal ta tiur lelen pini na.✠

¹³Mi kere! Sombe toomboᅇana ise ki tomtom tasa mi iwati pa sanaana, na ni isuk sua pa Anutu pepe. Kokena iso ta kembei: “Inᅇi ko Anutu ta iwat yo i.” Na som. Pa Anutu, ni iwadat ti som. Mi

✠ **1:6-7:** Mk 11:24 ✠ **1:9:** Yems 2:5 ✠ **1:10:** Mbo 90:5+, 103:15+; 1Kor 7:31 ✠ **1:11:** 1Yo 2:17 ✠ **1:12:** 2Tim 4:8; 1Pe 5:4; Tur 2:10

koron sananɲana sa irao be iyaaru Anutu be ikam sanaana na som.

¹⁴ Iti tomtom itundu lelende, ta ipeyei ngar sananɲan mi iwadat ti, mi iyaryaaru iti be takam sanaana.✧

¹⁵ Ka zaala ta kembei: Ngar sananɲana imanga piti munɲu. Mi sombe ngar tana imbotmbot ma iwe biibi, tona iur ɲonoono mi ipeebe mbulu sananɲana. Mi sombe mbulu sananɲana ila ila ma iwe biibi, to ipeebe meetenana.✧

¹⁶ O niom tonmatizij tio ta leleɲ piom ilip na, kere yom. Kokena ngar sa ipandelndel yom.

¹⁷ Koron ambaimbainan mi ndabokbokɲan ta boozomen imar pa kar saamba. Tamanda Anutu ta ikamam piti sorok. Ni mat katuunu ta iur zon, puulu, mi pitik. Mi mbulu kini itortooro som, mi koron sa irao ipakaala mat kini mi kampenana kini na som.✧

¹⁸ Ni ito itunu leleene mi ikam sua kini ɲonoono piti, beken a itooro iti ma tewe poponanda, mi ikam ti ma tewe ni lutuunu bizin. Naso tewe mataana pa koron boozomen ta ni iur zin na.✧

¹⁹ O niom tonmatizij tio ta leleɲ piom ilip na, kelen sua tio ti mi motoyom kiskis. Iti ta boozomen bela tayaraama kwondo. Tana tipiri sua karau pepe. Telenleɲ kat sua kizin tomtom. Mi ketende malmal karau pepe.

²⁰ Pa mbulu ki ketende malmal, ina irao be ipiyooto mbulu ndeenenana ta Anutu leleene pa i na som.

²¹ Tana mbulu sananɲan boozomen tau iwedet ta gorgori mi ingeeze pa Anutu mataana som na,

✧ **1:14:** Un 3:6; Ro 7:7+ ✧ **1:15:** Ro 6:23 ✧ **1:17:** Mt 7:11; Yo 3:27; 1Kor 4:7; 1Yo 1:5 ✧ **1:18:** Yo 1:13; 1Pe 1:23; Tur 14:4

kezem kat. Mi kokoto ituyom mi kakan la sua kini ta ni iur la leleyom kek na. Pa sua tana, mburaanaŋana. Irao be ikamke yom ma kombot ndabok.✧

²²⁻²³ Mi kere. Iti bela toto Anutu sua kini. Kokena telenlej sorok, mi toto som, to tapakaam itundu, mi tewe kembei tomtom ta itiiri runguunu ila natiloŋa, mi tamen iurpe runguunu som,✧

²⁴ to ila mi loŋa men mi mataana mbiriizikaala runguunu mini.

²⁵ Tutu ki Kriŋi ta isan ti la sanaana mburaana, ina ambai komboono. Tana tomtom sa, sombe mataana inŋalŋgal, mi ikiskis, mi ikamam ka mbulu, inako indeeŋe kampeŋana biibi pa uraata kini ta boozomen.✧

Mbulu ta indeeŋe kat Anutu ŋgar kini

²⁶ Sombe tomtom sa iso ni iurla ki Anutu mi imbesmbeze pini, mi tamen imboro kat kwoono som, na ni ipakaam itunu. Pa urlaŋana ta kem-bena, ina koronj sorok. Ko iur ŋonoono sa som.✧

²⁷ Mi urlaŋana ta isaana som, mi inŋeeze kat pa Tamanda Anutu mataana, ina ta kembei: Tu'uluulu zin moondo mi zin noroŋa pa pataŋana kizin, mi matanda inŋalŋgal itundu pa pai kiti. Kokena ŋgar toono kana ikeske iti.✧

2

Lende ŋger pa tomtom ta boozomen

✧ **1:21:** Lu 8:15; Ro 13:12; 1Kor 15:1+; Kol 3:8; 1Pe 2:1 ✧ **1:22-23:** Mt 7:21,26+; Lu 11:28; Ro 2:13; Yems 2:14 ✧ **1:25:** Mbo 19:7; Ro 8:2; Yems 2:12 ✧ **1:26:** Mbo 34:13, 39:1, 141:3; 1Pe 3:10 ✧ **1:27:** Mt 25:35+; Ro 12:2

¹ O niom tonmatizin tio, niom kuurla ki Merere kiti Yesu Krisi kembei ni ta azunka katuunu mi iswe kat Anutu piti. Tana leyom nger pa tomtom ta boozomen. Kokena kapakur wal pakan, mi wal pakan na kerepiili zin.✧

² Nio anso paso? Tomtom ru. Ta, ni mbio uunu. Iru pa mburu ambaimbaijan, mi kukuugu milmiljana imbot sala namaana. Mi tomtom toro, ni sorokjana, mi iru pa mburu maraazajana. Niom sombe kulup yom pa sunjana, mi wal ru ta kembei tile be tigaaba yom, inako kakam parei pizin?

³ Ina kozo ko kapakur tomtom ta iru pa mburu ambaimbaijan mi koso pini: “Mar, mbulem su mbalia ndabokjana ti.” Mi tomtom sorokjana, nako koso pini ta kembei: “Ai, nu mender tana,” som, “Mar, mbulem su ta kumbuju uunu.”

⁴ Kere. Mbulu tiom tana ambai? Som. Niom koso kitiiri waeyom bizin mi kipitpeleele zin ta kembei, na ngar sananjana izeebe yom kek.

⁵ O niom tonmatizin tio ta lelen piom ilip na, niom kuute som? Zin wal ta tomtom toono kan tire zin kembei zin sorrokjan, ina Anutu ipeikat zin be ipombol zin ma tirao kat pa urlajana, mibe zan pa kar kini. Kar tana, ni imbuk sua munju kek be ikam pizin wal tau tiur lelen pini na.✧

⁶ Tamen niom na, kerepilpiili zin wal sorrokjan. Lak. Zin oi ta tiurur patajana piom mi tipamendernder yom pa sua? Ina zin mbio uunu tau.✧

⁷ Mi zin oi ta tipasansaana Krisi zaana ambaijana ta ise tiom na? Ina zin tau. Kere som?

✧ **2:1:** Mt 22:16; Ngo 10:34; Yems 2:9 ✧ **2:5:** Lu 6:20; 1Kor 1:26+

✧ **2:6:** 1Kor 11:22

⁸ Peeze ki Anutu na, ka tutu biibi ta imbot la bude ta kembei:
Lelem pa tomtom ta boozomen, kembei ta lelem pa itum.✧

Niom sombe koto kat tutu tamen tina, inako kakam kat mbulu.✧

⁹ Tamen sombe kakam mbulu raraate pa tomtom ta boozomen som, mi kapakur wal pakan, mi kerepiili zin pakan, na mbulu tiom tana iswe yom kembei komolo tutu ki Anutu kek.

¹⁰ Pa kere. Sombe tomtom sa ito tutu ta boozomen, mi tamen imolo pa tutu tamen sa, inako uunu kini isaana ma kembei tomtom ta imolo tutu ta munjaana men.✧

¹¹ Pa Anutu tamen ta iso: “Pasaana ula pepe,” mi “Pun tomtom ma imeete pepe.” Tana nu sombe pasaana ula ka tutu som, mi tamen pun tomtom ma imeete, na ta tina. Nu molo tutu kek.✧

¹²⁻¹³ Tana motoyom ingal ituyom be mbulu tiom mi sua tiom ito kat tutu ki Krisi. Pa tutu tana irao be isan ti la sanaana mburaana. Mi indeenje mben kaimer na, Anutu ko itiiri iti pa tutu tana. Tana zin tau timunjaijai zin tomtom som na, zin tomini, Anutu ko imunjai zin som, mi iur kadoono pizin. Mi zin ta titoto mbulu ki munjaijana, nako nin ise mi lelen ambai.✧

Sombe urlajana ipiyooto mbulu ambaijana som, na imeete kek

¹⁴ O niom tonmatizij tio, sombe tomtom sa iso ni iurla ki Krisi, mi tamen ikamam ka mbulu som,

✧ **2:8:** Wkp 19:18 ✧ **2:8:** Mt 19:19; Ro 13:8+; Ga 5:14 ✧ **2:10:** Mt 5:19; Ga 3:10 ✧ **2:11:** Kam 20:13+; Ro 13:9 ✧ **2:12-13:** Mt 5:7, 18:32+, 25:41+; Yems 1:25+

nako urlaŋana kini tana iuuli be parei? Som. Pa urlaŋana ta kembei irao iwe zaala pini be Anutu ikamke i na som.✧

15 Lak, sombe toŋmatiziŋ tiom pakan len mburu som mi kan kini som, mi timbot ŋoobo kat,✧

16 mi sombe ku'uulu zin som, mi koso sua men pizin ta kembei: “Ai, kala raama leleyom ambai mi kakam koyom kini mi kuru leynom mburu. Kokena niyom tekteege.” Nako sua tiom tana iuulu zin be parei? Som.

17 Ina raraate men pa urlaŋana. Sombe koron ki sua men, mi ipiyotyooto mbulu ambaiŋana som, na imeete kek.

18 Mi tiom tasa ko imanga mi iso ta kembei: “Wal pakan timbol pa urlaŋana, mi wal pakan na, timbol pa mbulu ambaiŋana.” Tamen nio ko aŋpekel ta kembei: Sombe nu urla, mi tamen kamam ka mbulu som, na sokorei ta iswe kembei urlaŋana ku koron ŋonoono? Som. Mi nio na, aŋre ta kembei. Mbulu tio ambaiŋana ta izzwe kembei urlaŋana tio ina koron ŋonoono.✧

19 Mi nu ta zzo ta kembei: “Nio ti aŋurla kembei Anutu tamen ta imbotmbot.” Ina ambai. Mi tamen zin bubuŋana sananŋan tiurla ta kembei tomini. Tanata timoto kan ma timbotmbot.✧

20 Nu kankaanaŋom! Sombe nu so ta kembei: “Nio aŋurla ki Anutu,” mi tamen kamam ka mbulu som, na urlaŋana ku koron ŋono somŋana. Parei? Ko aŋpaute u pa sua ti ka uunu?

21 Motom ise ki tumbundu Abaraam. Ni iwe tomtom ndeeŋana pa Anutu mataana be parei?

✧ **2:14:** Mt 7:21,26; Ro 6:15; Ga 5:6; Yems 1:23 ✧ **2:15:** Lu 3:11; 1Yo 3:17+ ✧ **2:18:** Yems 3:13 ✧ **2:19:** Mk 1:24

Uunu imbot la mbulu kini tau ikam lutuunu Isak be iwe patoronjana pa Anutu.✧

²² Re kek? Mbulu ki Abaraam, ta ikam uraata ramaki urlanjana kini, mi ikam ma urlanjana kini iwe koronjonono kat.✧

²³ Tana sua ta tibeede pataana kek na, iur jonono. Sua ta kembei:

Abaraam, ni iurla ki Anutu. Tana Anutu ipomoozi mi ire i kembei ni tomtom ndeejenana.✧

Uunu tana ta tipaati be “Anutu toroono.”

²⁴ Tana iti sombe tuurla, mi tamen takamam ka mbulu som, inako irao som. Bela mbulu ambainjana igaaba urlanjana kiti, tona tewe ndeejenanda pa Anutu mataana.

²⁵ Mi motoyom ise ki moori ta zaana Reap tomini. Ni moori zaala lwoono kana. Tamen iuulu zin ngonjana ki Yosua ma timbot ambai, mi iurpe len zaala be tiko ma tila len. Uraata kini tana, ta ikam ma Anutu ire i kembei ni moori ndeejenana.✧

²⁶ Tana sombe tomtom sa iurla men, mi ikamam ka mbulu som, na urlanjana kini imeete kek. Kembei ta iti tomtom. Sombe bubujanda imap piti, na temeete.✧

3

Iti bela tomboro kat kwondo

¹ O niom tonmatizij tio, kokena tomtom tiom boozo tiserseere be tipaute zin tomtom pa sua ki Anutu. Pa iti tuute: Zin wal ta so tipaute zin tomtom na, Anutu ko itiiri kat zin pa mbulu mi

✧ **2:21:** Un 22:1+ ✧ **2:22:** Ibr 11:17+ ✧ **2:23:** Un 15:6; Ro 4:3

✧ **2:25:** Yos 2:1+, 6:17,25; Ibr 11:31 ✧ **2:26:** Yems 2:17

uraata kizin. Mi sombe tikam ŋoobo, na ni ko ingal kat matan. ☆

²Iti ta boozomen totoptop pa zaala matakiŋa. Mi sombe tomtom sa irao be imboro kwoono, na ni irao kat pa mbulu ki Anutu. Tomtom ta kembena ko irao be igabiizi itunu pa mbulu ta boozomen. ☆

³Kere. Iti tu'urur wooro musaana ila bapalo kuzuunu bekena tapazali ma ito kat zaala. Mi bapalo na, mbili biibi. Tamen wooro musaana tana irao be ikam peeze pini.

⁴Mi woongo ta kembena. Ina koronj biibi. Mi ka peeze na, biibi som. Tamen sombe miiri mi duubu ipambinjin woongo mataana, na tomtom peeze kana irao itooro peeze musaana tana, mi woongo ko iko pa lele ta ni isombe ila pa i.

⁵Ina zaala tamen tau pa kwondo. Kwondo, ina koronjanda musaari. Mi ka kaljaana mi mburaana na, biibi ma ilip.

Kere. You keseene musaari, ina irao be imanga mi ikan lele pakaana ta biibi kat ma imap. ☆

⁶Mi kwondo ta kembena. Ina koronjanda musaari. Tamen ipeyei sua sananjan matakiŋa boozomen, mi ipasansaana mbotjana kiti, mi ngar kiti, mi lelende, ma isaana kat. Kembei ta you ipasaana su biibi. Pa kwondo ikamam mburaana la ki kar sanaana tau. ☆

⁷Iti tomtom tarao be tomboro koronj sanjanjan matakiŋa ma matan isu. Koronj su kan, tai kan, yok kan, mi zin man, ina tomtom tipamormor zin lup kek.

☆ **3:1:** Mt 23:8; 1Pe 5:3 ☆ **3:2:** Mbo 34:13; Mt 12:37; Yems 1:26

☆ **3:5:** Mbo 12:3+, 73:8+ ☆ **3:6:** Mt 5:22; Mk 7:15

⁸ Tamen tomtom sa irao be imboro kat itunu kwoono na som. Pa kwondo, ina koron sananɲana kat, mi iurur niini som. Inoknok sanaana kamɲana mi ipasansaana zin tomtom. ✧

⁹⁻¹⁰ Kwondo tamen tau. Mi ikamam uraata ru. Pa ipakurkur Tamanda Anutu ta Merere kiti na, mi iwirri sua sananɲana pa waende bizin ta Anutu iur zin kembei itunu ruɲguunu na, mi ipasansaana zin. Tana sua mataana ru ta iwedet pa kwondo. O niom tonmatizij tio, takam ta kembei pepe. ✧

¹¹ Parei, ko tai ziru yok tilup mi tise pa yok bukbuɲana tamen?

¹² Som. Mi ko we iur ɲonoono kembei ta puke, som kaɲar iur ɲonoono kembei ta kun? Som. Mi tai ta kembena. Ko irao be itooro ma iwe yok ambaiɲana be tiwin? Na som. ✧

Nɲar ambaiɲana imarmar pa Anutu

¹³ Tomtom tiom sa, sombe ni le ɲar ambaiɲana mi ikamam kat ɲar, na bela ikototo itunu mi ikamam mbulu ambaiɲana men. Pa mbulu tana, ta ko iswe i kembei ni le ɲar ambaiɲana. ✧

¹⁴ Tamen sombe motoyom mburmbur pa waeyom bizin, mi kakamam kaisiigi be ituyom zoyom iwe biibi, na kapakur ituyom mi koso koto sua ɲonoono pepe. Kokena kapakaam. ✧

¹⁵ Pa ɲar ta kembei imar pa kar saamba som. Ina ɲar toono kana mi ɲar kiti tomtom. Nɲar ta kembei na, zin bubuɲana sananɲan ta tipeyei. ✧

✧ **3:8:** Mbo 140:3; Ro 3:13+ ✧ **3:9-10:** Un 1:26 ✧ **3:12:** Mt 7:16 ✧ **3:13:** Ep 5:15 ✧ **3:14:** Ro 2:23; 1Yo 4:20 ✧ **3:15:** 1Kor 2:6+; Yems 1:5,17

16 Paso, mbulu ki matanda mburmbur mi takam kaisiigi pa itundu zanda be iwe biibi, ina ipiyotyooto mbulu sananjan matakija. Mi ko ikam ma koron sa irao iloondo kat na som. ✧

17 Tamen ngar ta ki kar saamba i, na ipiyotyooto mbulu ta kembei: Takamam mbulu ngeezenana men, mi lelende pa mbulu luumušana. Mi sombe tomtom tikam noobo ti, na topokot som. Mi tamanman pa itundu ngar kiti som, mi tumušanai zin tomtom. Mi tipiyotyooto nonono ambaimbaijan boozo. Mi takam mbulu boozomen tana ma imbol piti, mi takam raama lelende. ✧

18 Zin wal ta tikamam uraata be tiluplup zin tomtom ma lenen iwe tamen na, zin kembei tomtom ta iwaswaaza kini iweniwen ambaimbaijan. Kaimer uraata kizin tana kola iur nonono, mi ipiyooto mbulu ambaimbaijan boozo. ✧

4

Tuur lelende pa koron toono kan pepe

1 Unu parei ta malmal mi noni imbotmbot la mazwoyom? Keteyom izze pa koron bozboozo tau! Tabe ipiyotyooto mbulu tana. ✧

2 Pa sombe keteyom ise pa koron sa, to kakam kinkiini be kakam. Mi sombe karao be kakam som, to motoyom mburmbur pa waeyom bizin koron kizin. Tabe keteyom malmal, mi niomnan kononjo ma koporou, mi kaparpun yom mabe kemetmeete. Nio anso kat piom. Koron ta niom

✧ **3:16:** 1Kor 3:3; Ga 5:19+ ✧ **3:17:** Ro 12:9+; 1Pe 1:22; 1Yo 3:18

✧ **3:18:** Yesa 32:17; Mt 5:9; Pil 1:11; Ibr 12:11 ✧ **4:1:** Ro 7:23; 1Pe 2:11

leleyom pa na, kakam som paso, kuzuṅzuṅ Anutu pa koron tana som.

³ Mi sombe kusunji pa koron sa, na ni ko irao ileṅ la sunṅana tiom som. Paso, ṅgar tiom ambai som, mi leleyom pa koron soroksorok ki kuli yom men. ✧

⁴ Niom wal pakamkaamṅoyom! Sua ta kumbuk pa Anutu be kewe ni lene kat, ta kipizil ndemeyom pa kek. Niom kuute som? Tomtom ta sombe iur kat leleene pa koron toono kan, na ni iwe Anutu ka koi. Pa wal boozomen ta so tiur kat lelen pa koron toono kan, ina tiur koi pa Anutu. ✧

⁵ Ka sua tibeede pataaṅa kek ta kembei: “Bubuṅana ta Anutu iur la lelede na, ṅgar kini imbol be ikam ti ma tewe ni lene men.” Sua tina ṅonoono men. Kokena niom kosombe ina sua sorok. ✧

⁶ Mi Anutu kampeṅana kini, ina biibi ma ilip. Tana sua lwoono toro iso ta kembei: Zin wal ta tipakurkur zitun na, Anutu ikototo zin. Mi zin wal ta tikototo zitun na, ni ikampewe zin. ✧

⁷ Tana kokoto ituyom, kembeeze pa Anutu, mi koporou mbolṅana be kiziiri Tomtom Sanaana. Naso iko piom. ✧

⁸ Mi koṅuru Anutu. Naso ni imbot kolouṅana piom. O niom tomtom sananṅoyom, kuurpe mbulu tiom ma ambai. Mi niom ta ṅgar tiom iwe rurunṅa na, kuurpe leleyom ma inṅeeze. ✧

⁹ Keseṅge mi menmeen yom mini pepe. Kaya-maana kat sanaana tiom, mi leleyom ipata pa,

✧ **4:3:** Mbo 66:18; 1Yo 3:22 ✧ **4:4:** Mbo 73:27; Mt 6:24; Yo 17:14; Ro 8:7+; 1Yo 2:15 ✧ **4:5:** Kam 20:3, 34:14; Ga 5:17 ✧ **4:6:** Mbo 138:6; Tut 3:34; Lu 14:11; 1Pe 5:5 ✧ **4:7:** Ep 4:27, 6:11+; 1Pe 5:8+; 1Yo 5:18 ✧ **4:8:** Mbo 24:4+, 73:28; Yems 1:8; 1Yo 3:3

mi katanɔ. Kakam tinjiizi, mi leleyom ipata kat pa sanaana tiom.✧

¹⁰ Mi kokoto ituyom pa Merere mataana. Naso ni iwit yom.✧

Tanɔgal sua pa waende bizin pepe

¹¹ O niom tonmatizin tio, niomɔnan waeyom bizin kaparɔngal sua piom pepe. Pa tomtom ta sombe itirtiiri waene bizin pa mbulu kizin mi ingalɔngal sua pizin na, irepiili tutu ki Kriisi, mi isombe iur itunu ma iwe biibi pa. Pa Kriisi iso piti be tuur lelende pizin tomtom. Tana nu sombe tirtiiri waem bizin pa mbulu kizin, na nu to tutu kini tana mini som.✧

¹² Pa Anutu itutamen ta tutu katuunu, mi zaana be itiiri zin tomtom pa mbulu kizin. Mi ni itutamen ta irao be ikamke zin, mi irao be ipasaana zin. Tana nu asiɔ ta sombe tiiri waem bizin pa mbulu kizin, mi so zin sananɔnan?✧

Tapase pa itundu pepe

¹³ Kelenɔ! Niom ta kozzo ta kembei: “Koozi som gaaga, to amkwai ma amla pa lele toro. Mi ko ambot pa puulu pakan mi amkam mburoonɔ be amkam leyam koron boozo.”✧

¹⁴ Niom tina, wal kankaananɔyom! Koron tabe ipet ta gaaga i, niom komboro? Som. Mi swoyom ta kembena. Ituyom komboro som. Pa mbotɔjana tiom isu toono ti, ina kembei ta you ka kakoi ta ikumuundu, mi imbot rimen, to imap.✧

✧ **4:9:** Mt 5:4; Lu 6:25 ✧ **4:10:** Mt 23:12; 1Pe 5:6 ✧ **4:11:** Mbo 15:3; Lu 6:37; Ro 2:1; 1Pe 2:1 ✧ **4:12:** Mt 10:28; Ro 14:4 ✧ **4:13:** Lu 12:16+ ✧ **4:14:** Mbo 39:4-11, 109:23; Yems 1:10+

15 Tana koso men ta kembei: “Sombe Anutu leleene, inako tombot mi takam uraata ti. Mi so som, inako som.”✠

16 Tamen niom kozzo kembena som. Mi kapase pa ituyom mburoyom mi kalḡoyom izalla sorok. Mbulu ta kembei, ina ambai som kat.

17 Mi kere. Tomtom sa, sombe iute mbulu ambaijana tabe ikam i, mi tamen ikam som, ina ni ikam sanaana.✠

5

Sua ta ila pizin mbio uunu

1 Niom wal ta leyom koronḡ boozo na, kelenḡ! Leleyom ipata mi kakam tinḡiizi biibi. Pa patanana biibi ta inḡi be ikam yom i. ✠

2-3 Pat gol ma silba mi mburu ambaimbainan ta kondoundou lae pa ituyom na, munḡaana men kola ibuuzu ma isaana lup, mi ikan yom kembei ta you. Pa inḡi toono swoono igarau kek. Tamen niom kakamam kinkiini be kondou koronḡ boozo mete pa ituyom. Koronḡ tiom tana, ta iswe yom pa sanaana tiom. ✠

4 Kere! Wal ta tikamam uraata pa mokleene tiom na, kinḡimḡiimi kat zin som. Mi pat kizin pakan kalwoono ta kuruutu ma imbotmbot, ina iboboobo sala pa Merere. Pa tinḡiizi kizin wal tiom uraata kan na, Anutu mbura keskeezenana ilenḡ kek. ✠

5 Niom, mbotjana tiom ta kakam su toono, ina ambai men. Kembel mbeezenana pa koronḡ kuliyom kana. Tabe kutum kat leyom ma tau!

✠ 4:15: Nḡo 18:21; Ibr 6:3 ✠ 4:17: Lu 12:47; Yo 9:41 ✠ 5:1: Lu 6:24; 1Tim 6:9 ✠ 5:2-3: Mt 6:19 ✠ 5:4: Lo 24:14+

Tana kere yom. Pa aigule tabe tikas yom i, ta ka nol igarau kek. ✧

⁶ Pa zin tomtom ndeenjejan ta len uunu sa isaana som na, niom kapamender zin, mi kupun zin ma timetmeete. Mi zin naman ise ma tiporoukaala zitun som. ✧

Iti tagabiizi itundu, mi tasa Merere kiti

⁷ O niom tonmatizij tio, kemender mboljana mi kabaada patajana, mi kazza Merere kiti be imiili ma imar mini. Kakam ngar pizin tomtom ta tiwaswaaza kini pa mokleene kizin. Zin keten pitpit som. Tiur matan pa mai ambaijana tabe ipet pa kaimer i, mi tizza zon mi yan be ikam ma toono ipiyooto kini nonono. ✧

⁸ Ina mbulu raraate men piti. Bela temender mboljana mi tabaada patajana, mi tazza Merere kiti. Pa molo som to imiili ma imar mini. ✧

⁹ Tana koyyo kwoyom pa waeyom bizin pepe. Pa Ni tabe itiiri iti pa mbulu kiti i, imendernder kataama kwoono i. Kokena ingal motoyom. ✧

¹⁰⁻¹¹ O niom tonmatizij tio, motoyom ise ki Anutu kwoono bizin ta mungu tikam sua kini na. Iti tere zin kembei kampejana ki Anutu imbot se kizin. Paso, patajana boozo izze kizin, mi timbot noobo kat. Tamen timender mboljana mi tibaada patajana boozomen tana ma irao swon. Mbulu kizin tana, ina iwe kin ambaijana piom be koto. Mi kakam ngar pa Yop tomuni. Mbol kini, niom kelen kek. Ni, patajana boozomen ikami. Tamen izem urlajana kini som, mi imender mboljana.

✧ 5:5: Lu 12:19+, 16:19+ ✧ 5:6: Mt 5:39 ✧ 5:7: Mk 4:26+; Lu 21:19; Ibr 10:36+ ✧ 5:8: Ro 13:11+; Ibr 10:37; 1Pe 4:7 ✧ 5:9: 1Kor 4:5; Yems 4:11

Tanata kaimer Anutu iuuli mi ikampe i kat. Pa Anutu, ni leleene izanzaana piti, mi imuñajai iti.
☆

¹² Niom toñmatizij tio, koronj biibi kat tabe moyom ingalñgal, ina ta kembei: Sombe kumbuk sua pa koronj sa, na kapaata koronj saamba kana, som koronj toono kana, som koronj toro sa zaana be ipombol sua tiom tana pepe. Tana sombe kumbuk sua be kakam koronj sa, na koso ta kembei: “E, nio ko anjam.” Mi sombe leleyom be kakam som, na koso ta kembei: “Som, nio ko anjam som.” Koso men ta kembei, mi koto sua tiom. Ina irao. Kokena Anutu ingal moyom. ☆

Sunñana kizin wal urlañan, ina koronj mburaañana

¹³ Sombe tomtom tiom tasa patañana indeenji, na bela isun pa Anutu. Mi sombe tomtom sa imbot ndabok mi menmeeni, na bela imbo mboe mi ipakur Anutu zaana. ☆

¹⁴ Mi sombe tomtom sa, ni mete ikami, na bela iboobo zin mboronjan ki lupñana tiom ma tila kini, be tisuulu ñgere sala kuliini, mi tisuñ Anutu be iurpe i. ☆

¹⁵ Mi sombe tisuñ raama lelen iurla, inako Merere iurpe tomtom tana, mi iwiti ma imañga. Mi sombe tomtom tana ikam sanaana, na Merere ko ireege pini. ☆

¹⁶ Tana kaparswe sanaana tiom, mi kaparsun piom. Naso Anutu iurpe yom ma niyom ambai. Pa

☆ **5:10-11:** Kam 34:6; Yop 1:20+, 42:10; Mbo 103:8; Mt 5:12

☆ **5:12:** Mt 5:33+ ☆ **5:13:** Ep 5:19; Pil 4:6; Kol 3:16 ☆ **5:14:** Mk 6:13,18 ☆ **5:15:** Mt 9:2

sunɲana ki tomtom ndeenɲana, ina koronj mburaanaɲana mi iurur ɲonoono. ✧

¹⁷ Motoyom ise ki Anutu kwoono Ilia. Ni tomtom raraate kembei ta iti. Mi indeenje ta ni ikamam sunɲana mbolɲana pa Anutu be yaɲ isu pepe, na Anutu ileɲ sunɲana kini, mi yaɲ sa isu som ma irao ndaama tel mi pakaana. ✧

¹⁸ Mi kaimer ni isunɲ mini be yaɲ isu, to Anutu ikam ma yaɲ isu. Tabe toono ipiyooto kini ɲonoono ma ipet mini. ✧

Lende uraata be tapazal zin tomtom ta tipaɲoobo

¹⁹ O niom toɲmatizij tio, sombe tomtom tiom tasa ipaɲoobo pa zaala ki sua ɲonoono, na niom leyom uraata be kakami ma imiili mini. ✧

²⁰ Mi leleɲ be kuute kat ta kembei: Sombe tomtom sananɲana sa isanɲaɲ pa zaala ki Anutu, na tomtom ta so ikami ma imiili mini, nako ikamke tomtom tana pa meeteɲana, mi iwe zaala pa sanaana kini ta boozomen be imap ma ila ne. ✧

✧ **5:16:** Mbo 34:15+; Yo 9:31; 1Yo 1:9 ✧ **5:17:** 1Kin 17:1+; Lu 4:25
 ✧ **5:18:** 1Kin 18:42+ ✧ **5:19:** Mt 18:15; Ga 6:1 ✧ **5:20:** 1Tim 4:16; 1Pe 4:8

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593